

**Saksframlegg**

Utval	Utvalssak	Møtedato
Formannskap/økonomiutval		19.02.2016

Søknad om støtte til hurtigladestasjon i Seljord - Grønn kontakt**Saksdokument:**

Vedlegg:

- 1 Søknad om støtte til etablering av hurtigladestasjon

Saksutgreiing:

Grønn kontakt AS er ein nasjonal operatør og utbygger av ladenettverk for alle ladbare bilar. Dei kommersialiserer, drifrar og vedlikehald ladeinfrastruktur. Grønn kontakt AS eigas av 23 kraftselskap i frå heile Noreg.

Grønn Kontakt AS søker Seljord kommune om stønad på kr 50.000,- for etablering av 2 stk. hurtigladestasjonar ved Statoil i Seljord. Bygging av 2 stk. hurtigladestasjonar ved Statoil har hatt ein kostnadsramme på over kr 1.000.000,-. Tiltaket er finansiert av Grønn Kontakt AS, med bidrag frå Statoil og Telemark fylkeskommune.

Grønn Kontakt AS har etablert ein rekke stasjonar for hurtiglading, som inngår i eit nettverk og som fungerer godt saman med omkringliggjande ladestasjonar. Det betyr at alle ladestasjonar vil vere tilgjengeleg for samlege kundar, uavhengig av abonnement.

Grønn Kontakt AS har den siste tida etablert 3 nye hurtigladestasjonar langs E134. Dette gjer at det er tilrettelagt for å gjere E134 til ein veg for EI-bilar.

Grønn Kontakt AS hjelpte i 2014 eigarane av Sjøormkroa (Ingelstad og Stenstad Eigedom As) med prosjektering og søknadar om etablering av ladestasjonar for EI-bilar ved Sjøormkroa. Formannskapet vedtok i sak 41/14 den 22.5.2014 å løyve kr 50 000 til etablering av hurtigladestasjon ved Sjøormkroa. Dette prosjektet er ennå ikkje realisert og Sjøormkroa opplyser at dei vil ha eit møte 19. februar, der dei skal avgjere om dei skal gå vidare med sitt prosjekt.

Det har ikkje tidligare vore hurtigladestasjonar i Seljord. Det er etablert eit ladepunkt for EI-bil ved Nutheim Gjestgiveri, støtta av Seljord kommune.

Det er etablera hurtigladestasjonar i Bø, Notodden og Åmot.

Vurdering

Det er stor auke i tal på EL-bilar i landet, Seljord ligg sentralt langs E134, RV 36 og RV 41, noko som gjer at det vil vera naturleg med ein slikt tilbod i Seljord.

Rådmannen meiner at det normalt ikkje bør vere ein kommunal oppgåve å syte for "drivstoff" for kjøretøy. Men ein hurtigladestasjon i Seljord kan vera med på styrke næringslivet, reisande

vil kunne planleggje med lading av EI-bil ved opphald i Seljord og ladestasjonen kan bidra til å marknadsføre handels- og servicestaden Seljord.

Etablering av ladestasjon for ladbare bilar er i tråd med tiltak i Miljø og energiplan for Seljord kommune. Støtte til etablering av ein ladestasjon for ladbare bilar ser rådmannen som innanfor Næringsfondets formål om støtte til næringsformål.

Rådmannen si tilråding:

Rådmannen rår Formannskapet gjere følgjande vedtak;
Seljord kommune løyver kr 50.000,- som stønad til etableringa av hurtigladestasjon ved Statoil i Seljord. Løyvinga er av Næringsfond/Kraftfond.

Utskrift til: Grønn Kontakt AS, c/o Agder Energi PB 603 Lundesida, 4606 Kristiansand.